

Na osnovu člana 4.2. Zakona o prijenosu, regulatoru i operatoru sistema električne energije u Bosni i Hercegovini ("Službeni glasnik BiH", broj 7/02, 13/03, 76/09 i 1/11) i člana 36. Poslovnika o radu Državne regulatorne komisije za električnu energiju ("Službeni glasnik BiH" broj 2/05), na sjednici Državne regulatorne komisije za električnu energiju održanoj 26. jula 2012. godine donijet je

PRAVILNIK O DOPUNAMA PRAVILNIKA O PRIKLJUČKU

Član 1.

U članu 2. Pravilnika o priključku ("Službeni glasnik BiH", br. 95/08 i 79/10), iza posljednjeg izraza dodaje se novi izraz koji glasi:

"Maksimalna moguća snaga prihvata vjetroelektrana" označava maksimalnu moguću snagu prihvata vjetroelektrana u elektroenergetski sistem Bosne i Hercegovine sa stanovišta mogućnosti regulacije sistema. Maksimalno moguća snaga prihvata se po jedinstvenom kriteriju raspodjeljuje za korištenje na području Republike Srpske, Federacije BiH i Brčko Distrikta BiH. Maksimalnu moguću snagu prihvata vjetroelektrana u elektroenergetski sistem Bosne i Hercegovine sa stanovišta mogućnosti regulacije sistema, kao i njenu raspodjelu, na prijedlog NOS-a odobrava DERK."

Član 2.

U članu 5., iza stava (2) dodaju se novi st. (3) i (4) koji glase:

"(3) Uz zahtjev za izdavanje Uvjeta za priključak vjetroelektrane na prijenosni sistem pored dokumenata propisanih ovim članom, prilaže se i potvrda nadležnog organa iz Federacije Bosne i Hercegovine, Republike Srpske ili Brčko Distrikta BiH da je vjetroelektrana uvrštena u odgovarajuću listu proizvođača iz obnovljivih izvora i da je njena instalirana snaga u okviru maksimalne moguće snage prihvata vjetroelektrana.

(4) Prilikom izdavanja potvrde, nadležni organ će voditi računa o ukupno utvrđenoj maksimalno mogućoj snazi prihvata vjetroelektrana i njenoj raspodjeli."

Član 3.

Iza člana 9. dodaje se novi član 9a. koji glasi:

"Član 9a.

(Obavijest o izdatim Uvjetima za priključak)

Elektroprijenos će nakon izdavanja svakog pojedinačnog Uvjeta za priključak vjetroelektrane obavijestiti nadležni organ iz člana 5. stav (3) Pravilnika. Obavještenje će, pored ostalog, uključiti i informaciju o ukupnom broju i ukupnoj instaliranoj snazi vjetroelektrana do tada izdatih i važećih Uvjeta za priključak vjetroelektrana."

Član 4.

Ovaj pravilnik stupa na snagu osmog dana od dana objave u "Službenom glasniku BiH", a objavit će se i u službenim glasilima entiteta.

Broj: 05-28-12-212-24/12

26. jula 2012. godine

Tuzla

Predsjedavajući Komisije

Milorad